

p. 43~51【科判】分三：初、性量無相。二、性體圓成。三、性具徧作。

初、性量無相，分四：(一)離虛妄相。(二)離有無相。(三)相不離性。(四)結成實相。

(一)離虛妄相—非三處、非三際、非顯色、非形色、非六塵。

(二)離有無相—不落二邊，全歸中道。

(三)相不離性—妄非離真而別有自性。

(四)結成實相—離一切相，即一切法。無相無不相。

二、性體圓成，有三段：(初)總標。(二)別顯。(三)總結。

(初)總標：總標中道性體。雙遮二邊，雙照二諦。

(二)別顯：(1)明眾生現前一念心性，是如來身土—清淨法身、常寂光土。

(2)明心性又是如來法、報二身。(此二性德)

(3)性、修二德，即是如來法、報二身。(性修合論)

(4)修德即是如來報、應二身。(修德)

(三)總結：實相無二。亦無不二。

p. 52 line -6【簡宗體一科】摘自智者大師《觀無量壽佛經疏》卷1：「次明經宗。初簡宗體。次正明宗。有人言。宗即是體。…不一而一故有體也。」

(T37, p. 188, b5-15)

p. 53 line -5【三忍】依後文，指「生忍」、「法忍」、「無生忍」。《四教儀註彙補輔宏記》卷7：「一生忍。二法忍。生忍復二。一。於恭敬供養中。能忍不着。則不生憍逸也。二。於罵詈打害中能忍。則不生瞋恨怨惱也。二。法忍亦二。一者非心法。謂寒熱風雨飢渴老病死等。二者心法。謂瞋恚憂愁。淫欲憍慢。諸邪見等。菩薩於此二法。皆能忍而不動。是名生法忍也。」

(X57, p. 859, a1-7)

p. 54 line 6【三資】參考本書 p.253：「依一心說信願行。非先後。非定三。蓋無願行。不名真信。無行信。不名真願。無信願。不名真行。今全由信願持名。故信願行三。聲聲圓具。所以名多善根福德因緣。」《阿彌陀經疏鈔》卷1：「依正清淨。信願往生。以為宗趣。」(X22, p. 617, c20)《阿彌陀經略解圓中鈔》卷1：「以信願淨業。為一經宗要。」(X22, p. 561, b11)

p. 55 line 5【六信】信自者，乃即他之自，須信『自他不二』。信他者，釋迦、彌陀、諸佛如來所說，即是吾人現前一念之心，本具之極樂事理、因

果。信因者，依自心、順理體所造之念佛淨業，必感全理所成之佛境界（極樂果、事）。信果者，有因故有果，往生乃依理所成事。信事者，極樂依正不出一心。信理者，乃即事之理，互徧互融，心、佛、眾生三無差別。

全理成事 → 全事即理。 依真起妄 → 全妄即真。

依性起修 → 全修即性。 唯心所現 → 全他即自。

自：現前一念心性，內含事理（不二），依自心修因、得果。

他：本師、彌陀、諸佛所說之極樂因果、事理。

因：依自心信佛說之事與理，故而念佛。

果：有因故往生，乃依理所成事也。

事：不外極樂之自他、因果。

理：自他、因果所依之理；一真法界、實相、如來藏、中道第一義諦。

p. 56 line 7【緣影】智旭《成唯識論觀心法要》卷 8：「浮塵勝義兩種五根。與器世界四大五塵。同是第八識之相分。本無親疎。乃妄分別一為有情。一為無情。迷謬甚矣。又六塵緣影。祇是獨頭意識相分。而大佛頂經之中。阿難妄認為心。不啻迷頭認影。故如來直斥之曰。咄。阿難。此非汝心。此是前塵虛妄相想。」(X51, p. 408, b17-22)

p. 56 line -5【圓覺經】《大方廣圓覺修多羅了義經》卷 1：「云何無明？善男子！一切眾生從無始來種種顛倒，猶如迷人，四方易處，妄認四大為自身相，六塵緣影為自心相。」(T17, p. 913, b22-25) 宗密《圓覺經略疏》卷 1：「六塵緣影為自心相 此有二釋：一者六塵是境。識體是心。心對根塵有緣慮相。慮相如影。舉體全無。自心靈明。本非緣慮。今認緣慮謂是自心。念念隨之。漂沈苦海。如珠明徹。本非青黃。對青等時即有影像。愚執其色謂是其珠。如迷自心認緣影也。故唯識云。諸心心所依他起故。亦如幻事。非真實有。為遣執心心所外實有境故。說唯有識。若執唯識真實有者。亦是法執。佛頂經云。此是前塵分別影事等。故知緣影決定是空。若清淨真心。本無緣慮。靈知不昧。無住無根。今認緣心誠為妄矣！二者此一句。經譯者迴文不盡。應云緣六塵影。六塵影是所緣。妄識是能緣。六塵無實。猶如影像。從識所變。舉體即空。故此緣心亦無體也。餘同前解。」(T39, p. 533, b26-c11)

p. 56 line -3【大佛頂經】《首楞嚴經》卷 1：「阿難言：如來現今徵心所在，而我以心推窮尋逐，即能推者，我將為心。…此是前塵虛妄相想，惑汝真性；由汝無始至于今生，認賊為子，失汝元常，故受輪轉。」(T19, p. 108, c15-21)

p. 56 line -1【前塵虛妄相想】《楞嚴經正脈疏》卷 1：「前塵者。現前所對六塵也。虛妄相想者。言此思想。必帶塵相。虛妄暫現。豈有實體哉。」(X12, p. 207, b10-12)《首楞嚴義疏注經》卷 1：「前塵之相本自虛妄。從識變生。猶如影像。而復引起念想。緣慮名之為心。心之與境二俱虛妄。此心及境即真如海中一浮漚耳。」(T39, p. 838, b8-10)

p. 57 line 3【經云】《首楞嚴經》卷 1：「縱滅一切見聞覺知，內守幽閑，猶為法塵分別影事，我非勅汝執為非心，但汝於心微細揣摩，若離前塵有分別性，即真汝心；若分別性離塵無體，斯則前塵分別影事，塵非常住，若變滅時，此心則同龜毛兔角。」(T19, p. 109, a10-14)

p. 57 line -6【法華經云】《妙法蓮華經》卷 3〈7 化城喻品〉：大通智勝如來滅度已來，甚大久遠；「我以如來知見力故，觀彼久遠，猶若今日。」(T09, p. 22, b2-3)

p. 58 line 1【虛空不變】《首楞嚴經》卷 4：「虛空體非群相，而不拒彼諸相發揮。所以者何？富樓那！彼太虛空，日照則明、雲屯則暗、風搖則動、霽澄則清、氣凝則濁、土積成霾、水澄成映。」(T19, p. 120, c11-14)《楞嚴經指掌疏》卷 4：「虛空體喻藏性。由有空義故。以非相喻之。由有不空義故。以不拒諸相等喻之。…以既同時不拒。則同時發揮何礙之有。…虛空非明。却具成明之性。故藉日照為緣則有明現。虛空非暗。却具成暗之性。故藉雲屯為緣則有暗現。此義可喻如來藏性體非水火。却具成火、成水之性。因藉日鏡、月珠為緣則有水火相現。」(X16, p. 121, c11-20)

p. 58 line 3【大佛頂經】《首楞嚴經》卷 6：「空生大覺中，如海一漚發，有漏微塵國，皆從空所生；漚滅空本無，況復諸三有？」(T19, p. 130, a21-24)卷 9：「當知虛空生汝心內，猶如片雲點太清裏，況諸世界在虛空耶？」(p. 147, b8-10)

p. 58 line 5~12【昏迷倒惑、一念回心】昏：我法二執。迷：真中二迷。倒：凡聖八倒。惑：五住地惑。

凡夫四倒：我執→迷真諦→起見、思惑→分段生死

聖人四倒：法執→迷中諦→起塵沙、無明→變易生死。

事一心不亂：一念我執心回。生無我心中本具方便、同居二土。

理一心不亂：一念法執心回。生無法心中本具寂光、實報二土。

p. 60 line 6【依心所現】善心→現善世界、三善道。

依我執心→現同居世界→惡心→現惡世界、三惡道。

依法執心→現方便、實報世界：方便九人(p. 72)。實報 42 人(初住～佛)。

依無執之心→現寂光世界。

p. 61 line -2【生無生論】《淨土生無生論》卷 1：「西方安樂土，去此十萬億，與我介爾心，初無彼此異。論曰：《佛說阿彌陀經》云：「從是西方過十萬億佛土，有世界名曰極樂。」…一佛國土已自廣大，況億佛國土乎？況十萬億乎？是則極樂去此甚遠。博地凡夫念佛求生，彈指即到者，正由生吾心所具之佛土也。言介爾心者，即凡夫念佛之心也。剎那之心，至微至劣，故稱介爾。謂十萬億遠之佛土，居於凡夫介爾之心，即心是土，即土是心，故曰「初無彼此異」。問曰：「介爾之心居於方寸，云何能包許遠佛土？」答曰：「介爾之心，昧者謂小，達人大觀，真妄無二。蓋此妄心全性而起，性無邊，心亦無際，性如大海，心似浮漚，全海為漚，漚還匝海。蓋真如不變隨緣，隨緣不變。既曰『隨緣不變』，豈可以真妄而局大小哉！」」(T47, p. 382, b8-24)

p. 63 line 6【共相識】《大乘止觀法門》卷 2：「所謂外諸法五塵器世界等。一切凡聖同受用者。是共相識相也。如一切眾生同修無量壽業者。皆悉熏於真心共相之性。性依熏起。顯現淨土。故得凡聖同受用也。如淨土由共業成。…所言不共相者。謂一一凡聖內身別報是也。以一一凡聖造業不同熏於真心。真心不共之性。依熏所起顯現別報。各各不同。自他兩別也。然此不同之報唯是心相。故言不共相識。就共相中復有不共相識義。謂如餓鬼等與人同造共業。故同得器世界報。及遙見恒河。即是共相故。復以彼等別業尤重為障故。至彼河邊。但見種種別事。不得水飲。即是共中不共也。」(T46, p. 652, c11-p. 653, a3)